

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0049422 22
Zenica, 06.05.2025. godine

OPĆINSKI SUD U VISOKOM
- Sudiji za prethodno saslušanje -
V I S O K O

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv:

K. K., neosuđivan,

što je:

dana 07.06.2022. godine, oko 09,30 sati, na području grada Visoko, na dijelu lokalnog puta Arnautovići - Gračanica, upravljajući putničkim motornim vozilom marke „...“ registarskih oznaka ..., krećući se iz pravca Gračanice u pravcu Arnautovića, ne pridržavajući se saobraćajnih propisa, postupajući suprotno odredbi člana 43. stav 1. Zakona o osnovama sigurnosti saobraćaja na putevima u BiH, brzinu kretanja vozila nije prilagodio karakteristikama i stanju puta, vidljivosti, preglednosti, atmosferskim prilikama, stanju vozila i drugim saobraćajnim uslovima, tako da vozilo može pravovremeno zaustaviti pred svakom preprekom koju je pod navedenim uvjetima mogao predvidjeti, iako je bio svjestan da uslijed takve vožnje može ugroziti javni saobraćaj te dovesti u opasnost živote ljudi i imovinu, ali je olako držao da zabranjena posljedica neće nastupiti ili da će je moći spriječiti, pa vozeći tako po dolasku u mjesto Arnautovići, uslijed neprilagođene brzine kretanja vozila kojim je upravljao, izgubio kontrolu nad vozilom, a zatim sa istim prešao u lijevu saobraćajnu traku namijenjenu kretanju vozila iz suprotnog smjera te prednjim dijelom vozila ostvario fizički kontakt sa potpornim kamenim zidom sa lijeve strane puta, a potom desnom bočnom stranom vozila udario u prednju čeonu stranu putničkog motornog vozila marke „...“ registarskih oznaka ... kojim je upravljao B. Dž. i kretao se iz pravca Arnautovića u pravcu Gračanice, uslijed čega je B. Dž. zadobio tešku tjelesnu povredu u vidu preloma petog vratnog pršljena,

dakle, kao učesnik u saobraćaju na putevima, ne pridržavajući se saobraćajnih propisa ugrozio javni saobraćaj i time kod drugoga prouzrokovao tešku tjelesnu povredu,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.